

**BULUBALANG**

# BULUBALANG

Ditulis

SIGAN JAWAN

Gambar digaga

AUGUSTINE ANGGAT GANJING



BORNEO LITERATURE BUREAU

© BORNEO LITERATURE BUREAU, 1975

(Dipegai Perintah Sarawak enggau Sabah)

Peti Surat 1390,

Jalai Tun Haji Openg, Kuching,

Sarawak, Malaysia.



PERPUSTAKAAN DBP/SAR.	
No. Kelas:	
No. Perolehan: 12217	
Tarikh:	T.T.

## RURUN CHERITA

### Cherita

### Lambar

Pidan .. .. .	1
Sanggau seduai Lensi .. .. .	9
Pasang seduai Kendawang .. .. .	15
Jerita Singka .. .. .	22
Kunchit .. .. .	29
Malang seduai Kusang .. .. .	33

## PIDAN

Nyadi Pidan tu siko Bujang Berani maia agi kalia. Pidan tu baka manok ke disabong orang, endang kenrau ari umur iya lebih sapuluh taun, kira ka baru ngangkat ka diri bujang, iya endang udah bisi ati berani, baka orang ke udah chukop umur. Pidan tu sigi nyelai gaya, lalu perangai iya maia agi biak endang enda sama enggau orang bukai ke sarambau enggau iya. Taja iya agi biak, pengawa enggau ulah iya endang baka enggi orang ke besai-tuai.

Leboh maia umur Pidan menya, menoa endang agi charut-tusut, agi kudi-bebali, antu teriu agi semak sereta agi nyengenda agi nyengala dipeda tauka betemu enggau kitai mensia. Tang lebih agi balat diperansang sida ke indu.

Sida mudah diperansang tunang dara jawai,  
Semina bulih antu pala nya baru tau ka laki, ambi ka ambai.  
Sida meransang sida ti lelaki nyadi berani,  
Ngasoh sida begiga ka tandok rusa di temuda ujong tembawai.  
Sida meransang sida ti lelaki minta giga  
Ka sida lembu dikena ngaga pua bali begajai.  
Nya ti ngasoh sida lelaki enda berasai di ati  
Nyadi berani begiga ka budi sebelah jalai.  
Nya ti ngasoh ati sida ti lelaki enda ngira mati  
Nunga besi nerima gansai.  
Laban kelulu jako sida ke indu  
Tekelalu dulu udu panjai.  
Laban peransang sida dara kumang,  
Udu nimang balat ngemesai.

Nya alai sida ke berani di ati enda beduli ka diri parai meh ke dikenang ditu. Nyadi iya ke dirintai ditu nya ka sekeda aja tuai di menoa Undup, agi maioh tuai bukai ke enda ulih kenang.

Nyadi hari siti dia tuai kayau mai bala begiga ngagai menoa ke dikumbai Indonesia diatu. Iya ngempuru ka sida ngagai ruai iya magang lalu madah ka sida sama besedia ka utai ti dikena bejalai. Sida sarumah pan nyau sampal datai ba ruai iya, tuai kayau lalu madah ka sida pasal utai ti ko ati iya.

"Nyadi aku ke mai kita berandau kitu, mai kita begiga, laban kitai udah nyau tangan ngetau lalu dijangka aku sida ke indu udah tau ditinggal ka kitai. Taja pia, sekeda kitai enda aku bai," ko iya madah ka sida. "Katii pagila sama lalu sama begiga ka utai dikena. Sapa ti nadai basong ngaga basong, ti nadai sangkoh nadai duku, ngamboh enti nadai terabai, beban," ko iya.

Nama agi, sida sigi ka, asai ke mansang sakerat isi ninga jako tuai munyi nya. Tang Pidan tak semina dugau-dugau mending ka randau orang ke tuai. Tang tumu pagi hari siti Pidan lalu sama enggau orang begiga ka utai dikena. Orang ngaga terabai iya ngaga terabai, orang ngaga basong iya ngaga basong. Orang bukai enda ngasoh iya enggau, tang iya masih matang madah ka diri deka enggau orang ngayau. Basong iya abis ditempatong ka orang ngagai ujung tanju, tang iya enda beduli. Iya majak ka diri ngaga utai dikena begiga.

"Nuan anang enggau, agi mit, apin tegar rari, ukai nya baka ke rari begagai di rumah sebelah tengah laman, bebunoh" ko sida ke tuai madah ka iya, tang Pidan majak ngaga duku ngaga sangkoh.

Samoa utai udah sedia magang, lalu orang rumah kulu-kili pan bisi mega enggau. Lemai nya samoa orang sama ngagai ruai tuai kayau, lalu miring ka samoa pengaruh. Nama agi pemaioh pengaruh ti dibai kia, nyau penoh perampian ke dianchau tengah ruai.

Pidan meda orang miring mansang semak tang iya nadai pengaruh dibai kia. Uдах tembu miring, tuai pan lalu ngasoh orang sama ngambi pinggai pengaruh diri lalu sama ngiga kenyap leboh malam nya. Pidan mega sama pulai ka bilik diri. Iya lalu nyikap ka utai dibai diri, samoa keresa iya disimpan iya dalam basong.

Agi dinihari dalam orang lalu begerah nyendia ka diri, sereta lalu betanya ka mimpi. Samoa madah ka mimpi manah magang. Nya alai nadai meh sida balang enda enggau orang begiga. Kira nyautampak tanah orang pan sama bela nurun magang lalu besamaia beranti di tinting atas rumah sida, laban tuai ka nemu samoa bala lalu ngator sapa ti ngambu dulu. Nyadi Pidan, leboh orang nurun, iya pan nyendia ka ma iya empu. Aya iya enggai mai, meda iya agi mit.

"Enti kami mai nuan semina nganjong pala nuan di pumpong munsoh," ko aya iya nganu Pidan, tang laban Pidan tu sigi bisi ati. Nya ti ngasoh iya enda ulih tagang orang. Iya endang nitih ka bala orang.

Datai di tinting, kira agi didinga kukok manok ari rumah, dia orang sama ngetu. Enda lama sida udah nudok ka diri dia sida meda Pidan junok-junok nitih ka sida. Maioh meh sida nagang tang bisiga sekeda deka mai iya. Uдах bala nginsap, udah makai pinang, dia tuai lalu ngator bala ti bejalai. Nyadi Pidan diator di tengah bala, enda ulih enda dibai, iya bengat keras deka enggau.

Nyadi pejalaisida tunga ka menoa Indonesia, laban endang tunga sida selalu bejalai begiga, leboh tuboh enda tentu maioh. Kira satengah jalai sida iya udah, dia tuai bala mai sida ngaga langkau endor ngetu samalam dalam kampong. Orang pan sama bela begaga ka langkau endor malam nya. Tembu ngaga langkau bala sida pan sama begiga ka lauk, baka nginti tauka ngiga daun babas. Nyadi Pidan diasoh sida nguan langkau. Tang sebedau nurun sida mesan enda ngasoh Pidan makai pinang, sereta nginsap insap sida. Apin lama udah orang nurun magang dinga Pidan tak sering-sering kain tating. Iya pan lalu ninga nyawa orang bejako.

"Sapa orang nya, kada enda Antu Telanjing," ko Pidan bejako kadiri. Iya ngaga diri ngumbai ukoi, awak ka enti nya Antu Telanjing iya tentu enggai datai kia.

"Eih gam, Chih! Chih!" Pia ko Pidan.

Malik iya ka belakang iya lalu tepeda ka indu dua iko, pepadu pemanah gamal. Seduai nya sama ngena ngepan Iban.

"Eh Pidan, ukai kami tu Indu Telanjing, kami duai Empating datai ngabas nuan. Nyadi aku tu Kumang, nya Lulong," pia ko Kumang madah ka diri ngagai Pidan.

Indu dua iko nya nyua ka iya sarang pinang lalu mai iya makai pinang. Pidan pan lalu makai pinang seduai nya tadi. "Nyadi ila Pidan," ko seduai madah ka iya, "kita bisi bulih dua igi, siko lelaki siko indu. Nuan dulu bedengah ari orang ila, lalu nuan mega bulih iya ke lelaki. Nyadi kami duai Empating tu enda lama Pidan, laban bala kita nyau ka datai," ko Kumang seduai Lulong. Ma'lik Pidan meda seduai iya udah lesap.


Enda lama udah nya dinga iya nyawa sida sabala ti nginti nyau semak. Datai sida di langkau meda Pidan agi kunyap-kunyap makai pinang. "Nya, peda nuan enda nemu jako, anang makai pinang kami pesan kami tadi, nya makai pinang kami ga nuan. Tak lalu tembu ka ditu awak ka enda kiroh laban nuan," pia ko sekeda sida ti jai jako.

"Nadai aku makai pinang kita, aku endang bisi mai ka diri," ko Pidan nyaut. Maioh sida bukai bejako jai enggau iya tang iya enda nyaut agi.

Malam nya sida sama tindok di langkau arau. Tumu pagi siti sida lalu ngator diri makai pagi. Sida ke makai nya endang agi petang hari laban tawas meh hari sida deka mupok bejalai tunga ngagai menoa Bugau.

Kira nyau ka tengah hari sida rembus ba dandang umai Bugau. Ari nya sida nengkila sakali ka bisi tauka nadai orang di umai. Sida ke nengkila nya ari tisi serarai. Samoa sida sama ningkap sereta naka ulih enda inggar. Peda sida bala Bugau benong ngetau, bisi tigapuluh iko. Lalu ba umai ti bedandang enggau nya bisi orang dua iko melaki-bini, enda bedurok enggau bala maioh.

Nyadi bala sida Pidan bebagi dua, sabagi deka nachah ka bala maioh, lalu diulu ka Empenit, ke tuai kayau anak sida sakali nya. Nyadi bala siti di ulu ka Buan, tuboh sida lapan iko. Pidan enggau bala mit, nyubok seduai melaki-bini.



**MAKLUMAT SELANJUTNYA BOLEH DIDAPATI DI:**

**KOLEKSI BORNEO**

Pusat Dokumentasi Melayu Tun Hamdan Sheikh Tahir  
Dewan Bahasa dan Pustaka Cawangan Sarawak,  
Jalan Tun Datuk Patinggi Haji Abdul Rahman Yaakob,  
Petra Jaya,  
93050 Kuching, Sarawak.

Telefon: 082 – 227 000  
Faksimile: 082 – 227 088  
E-mel: [eborneo@dbp.gov.my](mailto:eborneo@dbp.gov.my)

**“Memelihara Warisan Memupuk Wawasan”**

